

किर्स्तुना बळयि योहन रासतदु दुस्सा मल्काता सीटि

इद सीटटुन बोग रासतोग, इद पोल्लो सीटटे रासतद इले. मति “नना मुनेतोग पेदामन्कनन” इद्रम रासतद मन्हता. इद पोल्लोटुन ऊळिसि, मुनेतोग पेदामन्कल योहनिये इद सीटटुन रासतोग इन्जि, मुनेतोर पेदल्क इंदुर. इद सीटि “देवुळ आचतद बायिनेनाहकु ओसो तानाड पिलाड-पेकोरेनाहकु” इन्जि रासतद मन्हता. “बायि ओसो तानाड पिलाड-पेकोर” इतेके, बेदो उंदि विस्वसिरा मुडुहक रासतद मन्हता इनजोर, बोर बोर इन्हतोर. ओसो बोर-बोर, उंद बेदो विस्वसि आंचाहकु, ओसो तानाड पिलाड-पेकोरिहक रासतद मन्हता, इनजोर इन्हतोर.

इद सीटटुन योहन बाराहक रासतोग इतेके, वेर विस्वसिर बेस येसु कागहतप सेतेमते ताकिंदुर, मति वेरा एरियाते वेल्लाटोर जोल कागहवालोर नाग-नाग वेलियसोर, लोकरिन लेसिह कीसोर मतोर. अदिनेनाहकु इद्रमतोर जोल कागहचि, देवुळतरगडाह जेक ओयवालोरगडाह मीट उसरते मन्हटु, ओरिन जेक तासिसि मीवाड लोहकने वायलाह एमाटु. अहे सबेटोर विस्वसिरिण विस्वसते बेस मेगिस मन्हटु, आपुना मनमुळतुन बेस तासाटु, ओर्विहक-ओर्वोग जीवा कीस देवुळता पोल्लोटुन केंजिसि पिसाटु इन्जि, योहन इद सीटटगा रासलाह आतोग.

ओर्विहक-ओर्वोग जीवा कीयनद पोल्लो

1-2 नना नीवा पेदामन्कनन इद सीटटुन रासिहनन.☆ देवुळ आचतद बायिनेनाहकु,☆ ओसो तानाड पिलाड-पेकोरेनाहकु, रासलाह आतन.* देवुळता सेतेम पोल्लो मावा जीवातगा मन्हता, ओसो मावा संगे अमेसा मनदगा वने.☆ अद सेतेम पोल्लो वेहतपु, नना मीक जीवा कीतन. (नना वगोने आयो, देवुळ तोहतद

☆ 1:1-2 1:1-2 3 योहन 1 ☆ 1:1-2 1:1-2 13 * 1:1-2 1:1-2 बायि इतेके पूरा विस्वसि मुलु, तानाड पिलाड-पेकोर इतेके, मुडोर मन्कलोर मनदनुर. इलवेके बायि, तानाड पिलाड-पेकोर इतेके, बेदो विस्वसि आंचळि, ओसो तानाड पिलाड-पेकोर मनदनुर. अस्के पका विस्वतेनाहकु, वेल्लाटोर विस्वसिर मकिस मन्जि, येसुन मोळिकंदुर. इद सीटि विस्वतोग कयदे दोर्कतेके, बोरिहक रासतद मन्हता इन्जि, ओरिहक एर्का आयना आयो, इदिनेनाहक योहन इद्रम रासतोग बहे. ☆ 1:1-2 1:1-2 2 पत्रु 1:12

सेतेमतुन पुतोर सबेटोर वने, मीक जीवा कीस्तोर.✧) इद सेतेमतुन पुन्जि, माट विस्वस कीतल.

3 माट सेतेमतुन पुताहकु, ओर्विहक-ओर्वोग जीवा कीयलाह आतल.✧ अदिनेनाहक मावा देवुळबाबाल ओसो ओना मगि येसु किर्स्तु, माक देव्या ईयनुर, जीवा लोपनुर, सुकमते तासनुर.✧

4 बायि, नना नीवाड उच्चुर पिलाड-पेकोरा पोल्लोतुन केंजतन. देवुळबाबाल माक बेद उकुम ईतोग, अदिना लेहका ओर सेतेमते ताकलाह आतोर इनजोर केंजिसि, नना पका गिर्दा आतन.✧

5 केंजा! नना नीक पूना उकुम रासोन; मति माट मुने केंजतल, अदे उकुमतुन रासलाह आतन. इतेके माट ओर्विहक-ओर्वोग जीवा कीयना, इदे अद उकुम आंदु.✧

6 मीट विस्वस कीतस्केडाहि केंजिह्निर अद्रमलेहकाने, (ओर्विहक-ओर्वोग जीवा कीम्हटु इनजोर,) देवुळि उकुम ईता. ताना उकुम केंजिस ताकनदे, निटम जीवा कीयनद आंदु.✧

जोल कागहवालोरगडाह उसरते मनदना

7 लोकुरिन नाळेह कीस लेसिह केवालोर वेल्लाटोर, दुनियाते पेसतोर.✧ येसु किर्स्तु मन्कल मारियिस इद बूमते वावोग इनजोर, ओर वेहतलाह आतोर. इद्रम वेहवालोर लेसिह केवालोर, ओसो किर्स्तुना विस्दतोर आंदुर.✧

8 उसरते मन्हटु! माट इचानाह बेदिनेनाहक कहटेम कीतोम, अदिन मीट मायिह केमाटु. (देवुळि इनम ईकन इनजोर पोल्लो विळसता,) अद पूरा इनम मीक दोर्कना, अद्रमलेहका पिसाटु.

9 किर्स्तु कागहतव पोल्लोनु, बोग विस्वस केवा जेक दास्तोग, ओग देवुळता संगे जोळेम आयोग.✧ मति किर्स्तु कागहतव पोल्लोन, बोग विस्वस कीसोर मन्हतोग, ओग देवुळबाबाना ओसो ओना मगना संगे वने, जोळेम आस मन्हतोग.✧

✧ **1:1-2 1:1-2** 1 योहन 3:18; 2 योहन 3; 3 योहन 1 ✧ **1:3 1:3 1-2** ✧ **1:3 1:3** रोम सहरतोर 1:6-7 ✧ **1:4 1:4** 1 कुरिततोर 13:6; 3 योहन 3 ✧ **1:5 1:5** योहन 13:34-35; 15:12,17; 1 योहन 2:7; 3:11; 4:7,11 ✧ **1:6 1:6** योहन 14:15; 1 योहन 2:5; 5:3 ✧ **1:7 1:7** 1 योहन 2:19,26; 4:1 ✧ **1:7 1:7** 1 योहन 4:2-3 ✧ **1:9 1:9** 3 योहन 9 ✧ **1:9 1:9** योहन 7:16; 8:31; 1 योहन 2:23

10 अदिनेनाहक वेहतलाह आतन, किस्तु काहवतव पोल्लोन काहवोग मन्कल, मियगा काहवतलाह वातेके, ओन मीवा लोते केयमाट्ट, ओसो जोहर वने केमाट्ट. ✧

11 अद्रमतोन्क तोळ आयवाल मन्कल, ओनाड लाग्वाड कबस्कने कलियिह्तोग. ✧

12 इंजेके मीक वेहतलाहि, नयगा वेल्लाडे पोल्लोड मन्हताड; मति अविस्किन नना सीटटे रासोन. बह इतेके ननाने मियगा वायकन अस्के, माट ओर्विहक-ओर्वोर्गा मोकम मुनेह वळ्हककल इन्जि, आसा कीयलाह आतन. ✧ अस्के माट बेस-नेहना गिर्दा आयकल.

13 देवुळ आचतद ✧ नीवा एलानाड † पिलाड-पेकोर, मीक जय येसु इनदलाह आतोर.

✧ **1:10 1:10** रोम सहरतोर 16:17 ✧ **1:11 1:11** इपिसुसतोर 5:11; 1 तिमोति 5:22; यहुदाल 23 ✧ **1:12 1:12** 3 योहन 13-14 ✧ **1:13 1:13** 1-2 † **1:13 1:13** एलाळि इतेके, इदु वचन 1ता “बायिना” एलाळि. इगा इद्रम तेळियिहता इतेके, इदु बेदाय विस्वसि आंचाळ मनदगा, आयवेके बेदाय विस्वसि मुल.

Hill Madia
Hill Madia standard translation

copyright © 2021 Wycliffe Bible Translators, Inc.

Language: (Maria)

Contributor: The Seed Company

All rights reserved.

2025-05-15

PDF generated using Haiola and XeLaTeX on 14 May 2025 from source files
dated 15 May 2025

9f0bdb58-21f8-514e-8286-5b2942b7d458